

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება № 01-08/32

ქ. ბათუმი

02 ივნისი, 2017 წ.

ბსუ-ში 2016-2017 სასწავლო წლის გაზაფხულის სემესტრის დასკვნითი
გამოცდების ორგანიზებულად ჩატარებისათვის გასატარებელ
ღონისძიებათა შესახებ

„უმაღლესი განათლების შესახებ“ საქართველოს კანონის 22-ე მუხლის,
„განათლების ხარისხის განვითარების შესახებ“ საქართველოს კანონის,
ბსუ-ს წესდების მე-13 მუხლის, ბსუ-ს აკადემიური საბჭოს 2015 წლის 8
ოქტომბრის №111 დადგენილებით დამტკიცებული „სასწავლო პროცესის
მარეგულირებელი წესის“, ბსუ-ს აკადემიური საბჭოს 2016 წლის 5
თებერვლის №05 დადგენილებით დამტკიცებული „გამოცდების ჩატარების
ინსტრუქციის“ საფუძველზე

ვბრძანებ:

1. ბსუ-ში 2016-2017 სასწავლო წლის გაზაფხულის სემესტრის დასკვნითი
გამოცდების ორგანიზებულად და შეუფერხებლად ჩატარების მიზნით
დაევალოთ:
 - 1.1. ფაკულტეტის დეკანებს:
 - ა) ფაკულტეტზე და გამოცდებისა და უნარ-ჩვევების ცენტრში
ჩასატარებელი გამოცდების განრიგის (საგნის, საგნის ლექტორის,
დამკვირვებლის, გამოცდის დროის, ადგილისა და აუდიტორიის
მითითებით) წარმოდგენა 2017 წლის 8 ივნისამდე;
 - ბ) ყოველ მომდევნო კვირაში ჩასატარებელი გამოცდების შესაბამისი
საგამოცდო მასალისა და საგამოცდო ბილეთების შინაარსობრივი და
ხარისხობრივი შემოწმების ანგარიშის წარმოდგენა;
 - გ) სტუდენტთა დასწრების ფურცლების შემოწმება და სტუდენტთა
გამოცდებზე დაშვების საკითხის გაკონტროლება;
 - 1.2. საგნის ლექტორს (აკადემიურ/მასწავლებელთა პერსონალს):
 - ა) საგამოცდო პროცესზე დასწრება;
 - ბ) გამოცდის ჩატარებამდე არაუგვიანეს ერთი სამუშაო დღით ადრე იმ
სტუდენტთა სიის (თითოეული ჯგუფის მითითებით) მიწოდება
დეკანატისა და გამოცდებისა და უნარ-ჩვევების ცენტრისათვის, რომლებმაც
მოიპოვეს გამოცდაზე დაშვების უფლება;
 - 1.3. საგამოცდო პროცესში ჩართულ პირებს - ბსუ-ს აკადემიური საბჭოს 2016
წლის 05 თებერვლის დადგენილებით დამტკიცებული „გამოცდების
ჩატარების ინსტრუქციით“ ხელმძღვანელობა;

- 1.4. გამოცდების ჩატარებაზე მონიტორინგი - ხარისხის უზრუნველყოფის საუნივერსიტეტო და საფაკულტეტო სამსახურებმა; სასწავლო და სამეცნიერო პროგრამების მართვის დეპარტამენტმა; მაგისტრატურის, რეზიდენტურისა და დოქტორანტურის სამსახურმა; გამოცდებისა და უნარ-ჩვევების შეფასების ცენტრმა; შესაბამისი ფაკულტეტის დეკანებმა და მოადგილეებმა, დარგობრივი დეპარტამენტის ხელმძღვანელებმა;
- 1.5. ფაკულტეტის დეკანებს და ხარისხის უზრუნველყოფის სამსახურის ხელმძღვანელებს - გამოცდების პერიოდში, ყოველდღიურად უნივერსიტეტის რექტორს წარმოუდგინონ სამსახურებრივი ბარათები გამოცდების მიმდინარეობის შესახებ;
2. წინამდებარე ბრძანების აღსრულებაზე კონტროლი დაევალოს რექტორის მოადგილეს (თ. სირაძე) და უნივერსიტეტის ხარისხის უზრუნველყოფის სამსახურის ხელმძღვანელს (ა. ბერიძე).
3. ბრძანება აღსასრულებლად დაეგზავნოს ბსუ-ს შესაბამის სტრუქტურულ ერთეულებსა და თანამდებობის პირებს.
4. ბრძანება ძალაშია ხელმოწერისთანავე.

რექტორი,
ასოცირებული პროფესორი



მერაბ ხალვაში